



9. august 2013

UKA2013/70

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-muuna saqqummiuppara:

Maani nunami ilinniartitsisunngorniartarnerup qaffasissusaa nunani killerni ilinniartitsisunngorniartarnerup qaffasissusaanut assersuunneqarsinnaanersoq paasiniarlugu Naalakkersuisut misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineranut ilanngunneqassapput ullumikkumut naleqqiullugu ilinniartitsisunngortarnerup qanoq pitsaanerulersinnaaneranut innersuussutit.

(Inatsisartunut ilaasortaqaq Andreas Uldum, Demokraatit)

Tungavilersuut

Meeqqat atuarfianni ilinniartitsisutut sulineq inuiaqatigiinnut ilinniartitaanermik siuarsaarusuttunut pingaarnerpaanut ilaavoq. Meeqqat atuarfianni atuartut ilikkagaqartussaapput, ilinnialernissaminnut ingerlaqqissinnaaqullugit taannalu aaqutigalugu inuutissarsiutigiligassaminnut ilinniartitit.

Aamma meeqqat atuarfianni ilinniartitsisut akisussaaffigaat atuartitsinerup isumassarsiorfiusarnissaa, atuartut nuannaarlutik pissagallutillu ullut tamaasa atuartortarniassammata.

Demokraatini nalunngilarput meeqqat atuarfiini ilinniartitsisut ilungersoreertut sapinngisaminnik pitsaanerpaamik atuartititik atuartikkumallugit aamma ullut tamarluinnaasa atuartitsivimmillu suliaat annertoq pillugut qujamasuffigaagut.

Kisiannili aamma peqataanik pingaartutut isigaarput, nakkutigissallugu ilinniartitsisunngortussanut ilinniartitsinerput qaffasissumik pitsaassuseqartoq. Ajoraluurtumik ilimoorpoq nunami maani ilinniartitaaneq nunanut allanut assigerusutatsinnut naleqqiullugu appasinnerummat, tamannalu atuuppoq meeqqat atuarfianniik ilinniaqqiffinnut. Tamanna naammaginangilaq. Demokraatini kissaatigaarput nunami maani ilinniartitaanerup qaffassarnissaa nunani allanisulli pitsaatigilersillugu. Ilungersortariaqarpugullu. Pisariaqarpoq sapiissuseqarnissarput misissuinissatsinnut nalilersuinissatsinnullu.

Siunnersuutip siunertaraa ilinniartitsisunngorniartarnerup misissorneqarnissaa tamannalu tungavigalugu pitsanngorsaatissanut siunnersuuteqarnissaaq. Siunnersuutip aallarniutaani oqaatigineqareersutut ilinniartitsisunngorniartarnerup misissorneqarnissaanut pissutaavoq



isumaqaratta meeqqat atuarianni ilinniartitsisuuneq inuaqatigiinni atorfiit pingaarnersaannut ilaasoq. Tamanna tunngavigalugu pingaaruteqarpoq ilinniartitaanerup ineriartortittuarnissaa nutartertuarnissaalu, ilinniartitsisunngortartut nutaat piffissaq tamakkerlugu ilinniartitsisut inaanni atuartitsivinnilu nutaamik eqqarsartuarniassammata nutaaliortullu aallaqqaammut atuartunt iluaqutaasumik tullianillu inuiaqatigiinnut.

Demokraatini kissaatiginngilarput manna siunnersuut ilinniartitsisunngorniartarnermut isornartoriutitut isigineqassasoq. Kissaatigiinnarparput ilinniartitsisunngorniartarnerup sapinngisamik qaffasinnerpaatinnissaa. Tamannalu taamaallaat pisinnaavoq, ataavartumik nalilersortarutsigu suliap inerneru naammattumik pitsaassuseqarnersoq.

Qularnangilaq siunissami ungasinganiit ilinniartitsineq annertunerusumik atorneqalerumaartoq aamma periuseq taanna ilinniartitsisunngorniarnermi ilinniarneqartariaqarpoq kingusinnerusukkut pikkorissarnikkut ilinniaqqittariaarullugu.

Qularinngilara ilinniarfissuarmi iluaqutaasumik perorsaalluarneq atuartitsissutigineqarsinnaasoq. Tamanna pineq ajorpoq naak, perorsaalluarneq soorlu taaguutaani oqaatigineqareersoq, ullumimut naleqqiullugu perorsaalluarnerunermik kinguneqartussaagaluartoq.

Demokraatini neriuutigaarput siunnersuut Inatsisartuni ilalerneqarumaartoq.

Pisortanut aningaasaqarnikkut allaffissornikkullu kingunissai.

Misissuineq aningaasartuutitaqassaaq, suliarinnittussanik pissarsisoqartariaqarmat. Naatsorsuutigineqannngilarli aningaasartuutit ukiumoortumik AC-mut aningaasartuutaasartut sinnerumaarai. Aningaasat misissuineranut atugassat Ilinniartitaaneranut Naalakkersuisoqarfiup missingersuutaani pioreersuni nassaarineqassapput.

Namminersorlutik inuussutissarsiortunut aningaasaqarnikkut allaffissornikkullu kingunissai.

Namminersorlutik inuussutissarsiortunut kinguneqarluassaaq, ilinniartitsisut ilinniarluarsimanerusut pitsaaneruserumik atuartitsisussaammata, atuariit pitsaanerulernerannik kinguneqartussamik aamma tamanna Kalaallit Nunaanni sulisussarsiornermut iluaqusiisussaassaaq, tassunga ilaallutik ilinniartuutigit angerlaqqittussat, ernummateqartulli pisortat atuariutaanni meeqqamik atuartinnissaannut.

Innuttaasunut aningaasaqarnikkut allaffissornikkullu kingunissai.

Innuttaasunut aningaasaqarnikkut allaffissornikkullu kinguneqassanngilaq.